

# Aiò

umu soffia u Libecciu in u toiu u paese ?  
Cummu canta a malacella in i to carrughji appesi ?  
Cummu campi tù o caru, u mo doppiu u mo paru ?  
Cummu campi è cummu mori ? Aiò !

Aiò femu lu sparisce iss'universu di catene  
Femu noi rinvivisce e funtane di l'avvene  
U mo doppiu, u mo caru, cerca à scurdà e ghjasteme, aiò ! aiò  
!

Cummu pienghje u veranu in i to monti brusgiati ?  
Cummu brusgia l'attrachjata in i to ochji beati ?  
Cummu canti, tù o caru, u mo doppiu u mo paru ?  
Cummu canti è ghjochi à carte ? Aiò !

Aiò femu le rinasce isse muntagne paisane  
Femu noi inghjallisce tutte isse miserie umane  
U mo doppiu u mo caru, cerca à ùn mai più teme, aiò ! aiò !

Cummu dorme u zitellu annanatu in i to bracci ?  
Cummu li parla lu mare per piglia lu è fà lu parte ?  
Cummu pienghji tù o caru, u mo doppiu u mo paru ?  
Cummu pienghji è cummu tombi ? Aiò !

Aiò femu lu ghjucà issu zitellu in u ventu  
Femu lu puru cascà per amparà li u stentu  
U mo doppiu, u mo caru, cerca puru à suminà, aiò ! aiò !

Cummu campi, cummu mori ?  
Cummu scrivi tù a storia ?  
Cummu campi, cummu mori ?  
Cummu scrivi tù a storia ?

Cummu face u to mondu sempre viotu è sempre tondu ?  
Cummu face a to manu per sciappà è po alzà ?  
Cummu credi tù o caru, u mo doppiu u mo paru ?

Cumu credi è cumu preghi ? Aiò !

Aiò femu la vugà st'isula cum'un battellu

Vele alzate anderà u nostr'amore ghjuvellu

U mo doppiu, u mo caru, cerca puru à amà, aiò ! aiò !

U mo doppiu, u mo caru, cerca puru à campà, aiò !